

Tha daoine a' fuireach ann an taighean.
Tha dachaighean aig beathaichean
cuideachd. Tha mòran a' fuireach ann an
tuill anns an talamh. A bheil fhios agad
dè an t-ainm a th' air:

- 1) dachaigh sionnaich
- 2) dachaigh broc
- 3) dachaigh dòbhrain?

Tha beathaichean eile a' dèanamh an
dachaighean le maidean, slatan no feur.
A bheil fhios agad dè an t-ainm a th' air:

- 4) nead feòraig
- 5) nead geàrr
- 6) nead iolaire?

nead iolaire



Tha cuileagan caiteas òga ann an uillt
a' dèanamh pìob làidir de chlachan beaga
biodach anns am bi iad a' fuireach, agus
tha seo cuideachd na bhreug-riochd
dhaibh. Feumaidh partain-tuathal
fuireach ann an sligean falamh airson an
t-slige bhog aca fhèin a dhìon. Tha
seilcheagan a' dèanamh an slige fhèin
gus an urrainn dhaibh a dhol a-steach
innte nuair a tha cunnart mun cuairt.
Ach tha smeòraich air dòigh fhaighinn
air na sligean sin a bhriseadh le
bualadh ri clach; tha clach shònraichte,
ris an canar innean, aig gach smeòrach
far am bi iad a' tilleadh uair is uair
a bhriseadh an seilcheagan.

Tha tòrr thaighean còmhla a' dèanamh
baile, ach bha beathaichean a' fuireach
còmhla mar sin fada mus robh daoine.
Tha coineanaich a' fuireach ann am
broclach thuill; tha seangain a' fuireach
ann an dùn-sheangain, seillein ann am
sceap agus speachan ann an nead a tha
iad a' dèanamh a-mach à pàipear —
dh'ionnsaich beathaichean mar
a dhèanadh iad sin cuideachd mus do
dh'ionnsaich an duine.



Tha cuid de dh'èoin a' fuireach ann am
buidhnean. Tha èoin fighe ann an
Afraca a' dèanamh neadan de fheur
a th' air fhighe agus tha iad sin
a' crochadh bho gheugan nan craobh
airson a bhith sàbhailte bho
nathraichean agus cunnartan eile. Tha
feadhainn ris an canar figheadairan
càirdeil a' ceangal an neadan ri chèile
mar thogalach flataichean.